

# OWÈN HE YÈ DO ISAIA HLAN GBÈTỌ AGỌJOYÌGODO TỌ LÈ

Isaia 1:1-31

## NUPINPLỌN 348 – NA MÈHO LÈ

**Nupinplọn Do Tamẹ:** "Jesu sọ ọọ hlan ẹn, ọọ, mẹde ma tin he ko yí alọ etọn do oglepọnu go, bo pọn godo, tin jẹ na ahọludù Jihwéyẹwhe tọn gba" (Luku 9:62).

### I Numimọ Isaia Tọn

1. Isaia mọ nùmimọ de gbọn Juda po Jelusalẹm po dali to Ozias, Jotami, Ahazi, Ezekias, ahọlu Juda tọn lẹ whenu: Isaia 1:1.
2. Jihwéyẹwhe yí vivẹnu do gblewhẹdo Israeli: ni bo tẹ yín ọọ kanlin he ma sọgan ọọhọ lẹ yọn klunọ yetọn, sọgan Israeli ma yọn Oklunọ po Mẹdatọ yetọn po gba: Isaia 1:2-4; Jẹlemia 8:7.
3. Yè kanbiọ Israeli ọọ etẹwẹ yè na zinnúdo mì na bà, whenuena yè ko zinnúdo mì sọn ota jẹ afọpahòmẹ: Isaia 1:5-9; Jẹlemia 2:30; 5:3.
4. Jihwéyẹwhe gbẹ nado yí avọ sùsù sínsán Israeli tọn po sínsẹnzọn yetọn he hẹn dihọ pla sínsẹn Jihwéyẹwhe nugbo tọn po: Isaia 1:10-15; Malaki 1:6-14; Matiu 15:7-9.
5. Jihwéyẹwhe degbe ọọ Israeli ni doalọte nado wà ylan podọ nado basi dagbe: Isaia 1:16,17; Hosea 6:6; Matiu 9:13; Jẹlemia 4:14; Jakọbu 4:8-10.
6. Jihwéyẹwhe jlo na lẹnnú dopọ hẹ Israeli dogbọn ylando yetọn dali: Isaia 1:18-20; 1 Samuẹli 12:7; Mika 6:2,3.
7. Jihwéyẹwhe blawu na Jelusalẹm na owalọ vodún sínsẹn tọn po kọlilẹ sọn godo Etọn po tọn wutu: Isaia 1:21-23; Jẹlemia 2:19-27; Ezekieḽi 22:24-29.
8. Jihwéyẹwhe do pagbe nado dó miyọn lẹwé tọn hlan Israeli ji kaka yè nado fli zióni gò po whẹdida po po mẹhe lẹgò po dódó po lẹ: Isaia 1:24-31; Malaki 3:3-6; Zekalia 13:9; Lomunu lẹ 11:24-27; 9:26,27.

## OTADENA

### Devizọnwatọ Jihwéyẹwhe Tọn Lẹ

Ojlẹ he mẹ Isaia jẹ dọdai ji te yín ojlẹ he taidi ọọ Akọta Israeli tọn lẹpo jlo na yí sọn sínsẹn nugbo lọ mẹ. Yé mẹhe nọ nọ Jelusalẹm po Juda po lẹ wẹ owèn he yè dó Isaia pannukọn gán. Owẹndo ao Israeli tọn he po lẹ ko yí sọn Oklunọ sínsẹn mẹ sọmọ bọ owẹdida Jihwéyẹwhe tọn ko pa vává do yé ji. Jihwéyẹwhe hẹn whẹdida lọ sẹ dogbọn didọ Asilianu lẹ hlan gbẹtọ mẹhe yín okanọ po fifietọ po wá nado và aigba yetọn súdo podọ nado bé mẹhe nọ nọ e mẹ lẹ yí kanlinmọgbenu. Juda po Benjamini po gbẹ po to Jihwéyẹwhe sẹn sığba sínsẹn agbasa tọn wẹ, na gbọn aliho sínsẹn gbígbo tọn po nugbo tọn po dali yéwle lọsu ko to lilezùn omẹ gbígbe kẹdẹdi mẹmẹsunnu yetọn lẹ.

Le e tẹ yín ọọ Israeli ko dogodo Jihwéyẹwhe sọ, sọgan Jihwéyẹwhe zé yẹwhegan sùsù tite he to nugbo Jihwéyẹwhe tọn ọọ na gbẹtọ lẹ ma dibú. To mẹhe Jihwéyẹwhe zé tite helẹ mẹ wẹ Isaia te, yé sọ nọ yawu ylo ẹ ọọ "Wẹndagbelátọ atọntọ" na dọdai po oplọn etọn po dogbọn Jesu Klisti dali he yè ma sọgan jlẹ do mẹdepope tọn go wutu. Isaia ọọ yẹwhehọ nugbo Jihwéyẹwhe tọn matin awuhwihwle to ojlẹ ahọlu vọvo ẹnẹ tọn mẹ. Nukundiọsọ ylando po walọ ylankan po ma dibú dike, bọ e hẹn gbígbo etọn bú to ojlẹ ahọludu Manase ahọlu ylankan nẹ tọn whenu. Kẹdẹdi otàn sọn mẹde ji jẹ mẹdevo ji tọn, yè ọọ na mí ọọ Isaia wẹ yè to alọ dlen do to owéta widopotọ Heblu lẹ tọn mẹ di mẹhe yè yí ayinyọn de do sán do awe.

### Owèn He Jihwéyẹwhe Do

Owèn he Jihwéyẹwhe do Isaia hlan Israeli, kẹdẹdile mí ko hia ẹ do to owéta tintan Isaia tọn mẹ, wá dogbọn numimọ he dó otẹn he hunkọ mẹ ayiha gbẹtọ lẹ lọ tọn te to Jihwéyẹwhe nukọn hia. Numimọ he bé ahọludu vọvo ẹnẹ lẹ tọn pli. Numimọ lọ yín owèn he Isaia dó na ọọ yẹwhehọ etọn to ojlẹ ahọludu ahọlu helẹ tọn mẹ, nado lá na gbẹtọ lẹ le otẹn ylando tọn he mẹ yé te ylan sọ to Jihwéyẹwhe nukọn.

Jihwéyewhe ma tindo homẹ hùnhùn hlan okú ylandonọ ọn gba; sọgan gbẹtọ lẹ jlo na jẹglo do walọ ylando ọn mẹ ma hò ohókọnamẹ he Jihwéyewhe to didọ hlan yé pọn. Israeli ma nọ ma tindo oyọnẹn gigó dọ Ohó Jihwéyewhe ọn ma diọ podọ mède ma tin he na dasa ẹ bo ma na jiya gba, whẹpo yé do klan sọn sinsẹn Jihwéyewhe ọn mẹ nado yi to vodúnsẹn. Mí sọgan ylọ yewhegán he Jihwéyewhe dohlan Israeli lẹ dọ kunnudetọ ayiha mẹ ọn na Israeli, yé sọ do ahwá lélé ylando Israeli ọn to gbẹtọ lẹ nukọn. Yewhegán Jihwéyewhe ọn lẹ dọ ojílọ Jihwéyewhe ọn. Mẹhe sè yetọn, sè Jihwéyewhe ọn; mẹhe sọ gbẹ yé, gbẹ Jihwéyewhe.

Paulu dọ na omẹ wiwe lẹ he tin to Tẹsalonika dogbọn owẹn he e hẹn wá dali: "Enẹwutu mèdepopo he to omẹ vlẹko, e ma to gbẹtọ vlẹko gba, adavo Jihwéyewhe" (1 Tẹsalonikanu lẹ 4:8). Mọdopolọ ga wẹ Jesu dọ na Apósteli Eton lẹ: "Mẹhe sè mitọn, e sè sẹ; mẹhe sọ vlẹ mi, e vlẹ mi; mẹhe sọ vlẹ mi, e vlẹ ewọ he dó mi hlan" (Luku 10:16). Le e tẹ yín dọ yewhegán lọ lẹ wá po gbedide po huhlọn Gbigbo Jihwéyewhe ọn po sọ, sọgan gbẹtọ lẹ ma tẹ nọ yí homẹdagbe do nọ yí yé gba; to ojílẹ sùsù mẹ wẹ Israeli sọgan nọ doakọnna nado nọ mọ yé. Matin ayiawe yé wá, yè dó yé hlan sọn Jihwéyewhe de, yè sọ na avase Israeli dogbọn oyajiji he na gbọn godo na ylando yetọn to madẹn mẹ dali.

### **Nugbo Jihwéyewhe Tọn**

Apajlẹ he jẹ alọ Isaia ọn mẹ dogbọn ylando Israeli ọn dali yín dopo to apajlẹ ylando gigó he sọ sọawuhia gbangba bọ Biblu dohia mí. Jihwéyewhe ma yí nukun pẹvide do pọn ylando gba; mọwẹ Ewọ lọsu ma gboawupo nado dọ na gbẹtọ lẹ otẹn he hunkọ mẹ ayiha yetọn te to nukọn Eton. Gbẹtọ lẹ ma sọgan lẹnvojo, yé ma na sọ lẹnvojo sọn ylando yetọn lẹ mẹ kaka jẹ whenue yé na yọnẹn le ylando pẹnzin bo sọ ylan talala sọ. Whenuena gbẹtọ yọn whẹgbledo ylando etọn ọn, whenẹnu, yèdọ whenẹnu gán wẹ tódido tin na ẹn nado lẹgọ do Jihwéyewhe de na lẹnvojo.

Jesu dọmọ, "mìwlẹ nasọ yọn nugbo, nugbo lọ nasọ hẹn mí jẹ mèdekanu" (Johanu 8:32). Apádopo ohó nugbo Jihwéyewhe ọn ọn wẹ nado yí whẹgbledo do ayiha mẹ to ylando dopo dopo ji. Ehe lọ wẹ dike bọ Jihwéyewhe do hùn ylando Israeli ọn do nuvo. Kẹdẹdile Isaia ko yọnẹn do dai otẹn he hunkọ mẹ ayiha omẹ helẹ ọn tin te, e sọgan do ylando yetọn lẹ hia yé, ma pò mède dai; na yé nido yọnẹn dọ ylando yetọn lẹ yín yinyọnẹn hlan Jihwéyewhe, na yé nido sọgan lẹnvojo.

Nukun dagbe po lẹblanu Jihwéyewhe ọn po wẹ dike bọ ylando he to ayiha gbẹtọ lẹ ọn mẹ do nọ yín yinyọnẹn hlan yé, na yé ni do yọn matindo yetọn dogbọn whlẹngan dali. Gbẹtọ lẹ ma nọ jlo na sè dogbọn homẹgble Jihwéyewhe ọn hlan ylando dali gba, olọnzodo kavi whẹdazangbe, whenuena yè na basi whẹdida omẹdopodopo he ma lẹnvojo sọn ylankan he e ko zán lẹ mẹ; kavi dọ yé ni sè dọ okú wẹ ale ylando ọn, sığba adavo yé yọn nugbo bo sọ yí i sè yé ma sọgan jẹ mèdekanu sọn ylando mẹ gba.

Owanyi He Jihwéyewhe tindo hlan ayiha gbẹtọ ọn ma na tẹnmẹ mède nado to linsinyẹn do ylando mẹ gba. To awà awetọ ji ga, na Jihwéyewhe yiwanna gbẹtọ wutu wẹ E do wleawu whlẹngan ọn dogbọn ohùn Klisti ọn to satin ji dali, na yé ni do sọgan gán sọn oya ylando he yé ko wà lẹ ọn mẹ.

Onú dopolọ gán wẹ sọawuhia to numimọ po yewhehó Isaia ọn po mẹ. Yè dọ na Israeli gbangan podọ to gigó mẹ le ylando etọn ylan bo sù sọ, Jihwéyewhe sọ to kinkanbiọ yé nuhe wutu yé do jlo na tẹsi ylando mẹ.

### **Nado Sinyan Okú**

Jihwéyewhe to kinkanbiọ vivẹ vivẹ to gbẹtọ si nuhe wutu e na do to akọndona awuvẹ ylando ọn whenuena e ma yọn nado wámọ. Isaia ko jlẹgbena gbẹtọ lẹ dọ: "Bé etẹwẹ yè na zinnùdo mì na ba?" Jihwéyewhe yí Israeli jlẹ do mẹhe yé ko zinnùdo sùsù, sọmọ bọ sọn afọpahomẹ kaka jẹ ota fivó de ma tin to e mẹ adavo alán awugble po agada yinyọn po. Otadena ehe ọn wẹ yín dọ ylando yetọn lẹ wẹ hẹn tukla helẹ wa yé ji, e na yín walọ nulunọ ọn nado hẹn tukla he sù do e ji dogbọn ylando wiwà do Jihwéyewhe go dali.

Ylando nọ dọn mẹ dogo na ojílẹ de, sığba e ma tin le e sọgan dọn mẹ sọ podọ le vivi etọn sọgan sọ bọ yè ma na do yọn awuvẹ kunnudide ayiha mẹ ọn he yè ko do apà go na. Mọwẹ mí sọgan sù ohọn do ogbẹ Jihwéyewhe he to whẹgbledo ylando to ayiha gbẹtọvi ọn mẹ. Ylando nọ hẹn awuvẹ wá, aliho sẹnmejẹto ọn vẹawu. Le wẹ ohó Oklunọ ọn dọ: "Sığba mẹylankan lẹ taidi ohù wuwlu, whenuena e ma sọgan gbojẹ

ehe osin eton to ogbon po diho po tunjebonu. Jijoho ma tin we Jihweyewe sie do hlan meylankan le" (Isaia 57:20,21). Eyin onu jawu do gbeto le sogan no tesi ylando me po awuwe he ylando no hen wa le po, somo bo awugble he otasinyen yeton to hinhen wa ye ji do dablá do Jihweyewe bo E do kanbio do, "bé etewe ye na zinnudo mi na ba?"

### **Lẹblanu, E Ma Yin nunina Avó Tọn Gba**

To ojle de me Jesu domo: "Mi yi, bo plon onu he ehe yin, yen no jlo lẹblanu, e ma yin avó" (Matiu 9:13); Hosea 6:6). Ohó dopo helo we Isaia to dido he Israeli. Tito sinsen yeton le ton ma yin nudepope na Jihweyewe ni bo tle yin do ewo losu we ze tito lo dai, na ye ko wonji, ye ko so gbekò nugbo nele go ehe tito sinsen lo ton le yin apajle na, otadena ehe ton we yin do Jihweyewe ma na doakonna ylando, eyin mi na sen En, yedo nado sen En to gbigbo po nugbo po me. Ma do diho po dodo po ma yin nuyonen sinsen poun ton gba, adavo sinsen he wa son ayiha mehe yiwanna Okluno le ton me jebonu. To ofi lepo to Ohó Jihweyewe ton me, to Alenu Hoho po yoyo po me, to oplon yewhegan le ton me podó Jesu ton, ye zin nu do eji sinyensinyen do sinsen nugbo Jihweyewe ton ma sogan tin adavo ye yi do waló mado diho po wive po yin mima titegbe to Wendagbe me.

"Mi plon dagbe wiwa, mi din whedida, mi goalona mehe ye sinyenawuna, mi dawhe tosiwo le ton, yi owhe asusiwo ton do" Owen he Isaia do na Israeli we ehe, ohó ehe dopolo we ye hen wa son whewhewhenu, modopoló so we to egbéhe: "do aló oylan wiwa ton ote". Ylando Israeli ton ma yin do ye dovó na sinsenho gba; sigba yigoyigo yeton gbon sinsen yeton dali yin ovó po yenuwiwa po to Jihweyewe nukon. Ayiha yeton gona waló ylankan po mawadodo po somo bo ye yi ome he no no fine le jle do omehe no no Sodomi po Gomola po le go, ota mehe ton Jihweyewe ja jikun miyon ton do.

Ye doho ayidoego ton daho de to oplon miton me: "Okluno domo, wa dinvie, na mi ni lennu dopo; eyin ylando miton bia, ye na we taidi kensu, eyin ye divé taidi alali ye na taidi sekanfun". Nugbo nugbo dodai Ohó Jihweyewe ton we yin do ewo tindo ojlo nado lennu dopo he gbeto do waló ylankan eton le ji. Eyin gbeto jlo bo hun otó dai na Jihweyewe whenuena E to nulendopo he e, to maden me waló nulu eton ton na yin yinyonen hlan en. Jihweyewe sogan jo ylando eton na en, eyin ye tle bia taidi alali, Jihweyewe na le ye we taidi kensu. "Eyin mi jlo bo so setonu, mi na du dagbe aigba lo ton".

Eyin ye basi tonumasé lo? "Sigba eyin mi gbé bo so siate, ye na yi ohi do hu mi na onu Okluno ton we do e" Israeli gbé nado tuntoai hlan nulendopo Jihweyewe ton po ye po. Ye tedo ylando yeton go kaka homegble Jihweyewe ton do wa ye ji to gigó me to okú Klisti ton godo.

Owefo godo ton le to oplon miton me do na mi do dogbon lẹblanu Jihweyewe ton dali ome pevi dele na pòai; to wheleponu, kaka ye na do hen gigo Zion ton lego do ofi tintan ton me, podó ga Jesu Klisti he ye ko gbé dai to ojle de me bo ko so hu na yin Okluno po Aholu yeton po.

### **OKANBIO LE**

1. Nawé Isaia yi azon eton gbon do ewo we na do yewheho na Israeli?
2. Ohwè nemu we Isaia do do yewheho?
3. Okú na nkọ we Isaia kú?
4. Etewutu we Jihweyewe do do aliho Israeli ton hia hezeheze dole?
5. Etewutu we ylandono do na yonen hezeheze do ylandono we ewo wẹpo e na do sogan lenvojo son ylando eton me?
6. Nawé ylandono le no yonen do do ylandono we ye yin?
7. Etewutu we home Jihweyewe ton ma do hun do sinsen Israeli ton go?
8. Aliho tewé mi do na gbon do sen Jihweyewe?
9. Etewutu we Jihweyewe do jlo na lennu dopo he Israeli?